

四庫全書存目叢書編纂委員會編

齊魯書社

四庫全書存目叢書

經部
第四九冊

責任編輯：孫言誠 賀 偉

ISBN 7-5333-0580-9



四庫全書存目叢書·經部四九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092毫米 16開本 49.75印張

1997年3月第1版 1997年3月第1次印刷

印數1-100

ISBN 7-5333-0580-9

Z·55 經部定價：66000圓

經部第四九冊目次

經部·書類

書古文訓十六卷

〔宋〕薛季宣撰
首都圖書館藏清康熙十九年通志堂刻通志堂經解本

書疑九卷

〔宋〕王柏撰
首都圖書館藏清康熙十九年通志堂刻通志堂經解本

定正洪範集說一卷

〔元〕胡一中撰
天一閣文物保管所藏明鈔本

書經直指六卷

〔明〕徐善述撰
陝西省圖書館藏明成化刻本

涇野先生尚書說要五卷

〔明〕呂柟撰
北京圖書館藏明嘉靖三十二年謝少南刻涇野先生五經說本

尚書譜不分卷

〔明〕梅鶯撰
南京圖書館藏明鈔本

禹貢圖一卷尚書禹貢說一卷

〔明〕鄭晚撰
上海圖書館藏明嘉靖四十三年書帶草廬刻本

一

一五七

二〇三

二三三

三八四

四一八

四九八

禹貢說長箋一卷

〔明〕鄭曉撰

北京圖書館藏明鈔本

五四五

古書世學六卷

〔宋〕豐稷正音

〔明〕豐慶續音

豐熙集說

豐坊考補

湖北省圖書館藏明鈔本

五六二

書古文訓十六卷

〔宋〕薛季宣撰

首都圖書館藏清康熙十九年通志堂刻通

志堂經解本

附《四庫全書總目·書古文訓

十六卷》提要

書古文訓序

永嘉薛季宣

昔者子夏學書見於孔子子曰商也何為於書子夏對曰書之論事也昭昭如日月之代明離離如星辰之錯行上有堯舜之道下有三王之義凡商之所受書於夫子者志之於心弗敢忘退而窮居河濟之間深山之中作壤室編蓬戶彈琴瑟歌詠先王之風則可以發憤慨喟忘己貧賤有人亦樂之無人亦樂之而忽不知憂患與死也夫子造然變容曰嘻子殆可與言書矣雖然其亦表之而已未覩其裏也顏淵曰何謂也子曰闕其門而不入其中觀其奧藏之所在乎然藏又非難也丘嘗悉心盡志以入其中則前有高岸後有大谿填填正立而已矣是故帝典可以觀美大禹謨禹貢可以觀事皋陶謨益稷可以觀政洪範可以觀度六誓可以觀義五誥可以觀仁甫刑可以觀戒通斯七者書之大義舉矣夫子於商之書謂之表所以語回謂之義自以填然正立一時三語若不相侔然則帝王之書其不可識矣君子察於三者而後可以言書今天之昭明地之博厚而人之靈於萬物匹夫匹婦無不固已知之至於風霆雨露之

迭興海岳河山之流峙所以知之蓋鮮喜怒哀樂出
 乎爾者其靜其作則或自知之不暇不察乎近孰明
 乎遠不得乎身何以論古之人是故以書學書書而
 已遺書學書非書矣不以不遺未足與於書之旨以
 而遺之從之不可或庶幾乎書之大義云爾子言之
 也書之於事也遠而不闕近而不迫志盡而不怨辭
 順而不諂吾於高宗彤日見德有報之疾也苟由其
 道致其仁則遠方歸志而致敬焉於洪範見君子之
 不忍言人之惡而質人之美也發乎中而見乎外以
 成文者其惟洪範乎堯舜之命受於人湯武之命受
 於天不讀詩書易春秋則不知聖人之心無以別堯
 舜之禪湯武之伐也語之不切見諸言外斯言之辨
 可以觀於虞夏商周之書矣走之於書學焉不如子
 夏觀焉何敢望回世無孔子則將何所取正述而藏
 之以待能者其庶乎以書觀書者矣隸古定書最古
 孔氏文義多本伏生之說唐明皇帝更以正隸改定
 而俗儒承詔文多踳駁古文是訓不勞乎是正之也
 書序出於孔子言自有在詮次百篇之後將以歸於
 古學好古之僻走何辭焉昔孔子學琴操而得文王
 之形季子聞樂音而知其國之政讀其書不知其人

可乎故序篇端論以讀書之法

序四

書序

三

通志堂

書古文訓卷第一

永嘉薛季宣

焚箕

焚書

粵嶽古帝焚曰放勳欽明亥息安安允龔亨攘艾

穢三表感于上下

堯唐堯也而以虞書名典記言之史其始於有虞

氏乎虞書詳於舜而略於堯追記為可知也魯若

發語嗣猶周書之越若來也稽考也考古之道而

放其勳堯之為君無所往而不準也聰明文思堯

之德性然也自敬而明反身而誠之也聽德惟聰

聰敬之端也思遠猷也睿作聖之思有經天緯地

之文而推入睿之思以體誠明之德安其德性其

所安者天下之所當安也誠恭能讓惟安安者為

然煥乎文章光昭四表而天地六合之內咸率其

性惟天為大惟堯能則之也

亨明峻惠曰窺九矣九矣无蕃參章百姓百姓昭明

叶咏万苗黎民窺彰豈豈

前言堯所以聖此言修身而國家天下平者俊德

懿德也即聰明文思也百姓國人也平章啓其明

也自明其德則脩身而後家可齊也家齊而後國

可治也國治而後天下可平也自明明德而民有

時雍之變非徒明己又能明物修道之教斯有不

言之化矣

帝命戲味欽蒙昊天厥為日月星辰敬授人肯分命

戲中窕堯曰曰暘谷叢園出日承鸞東徒日中壘鳥

呂殿中昏手民所鳥罍竿尾申命戲竿玩舉交承鸞

舉偽敬致日昃壘火呂臣中是手民因鳥罍希講分

命咏中窕局曰曰谷叢淺內日承鸞成成中壘虛

呂殿中殊手民巨鳥罍毳毳申命咏竿玩聃工曰幽

樞季至胙易日曰壘罪呂臣中與手民托鳥罍聃

帝曰資女戲泉咏吞式百十六旬十六日呂閏月正

三昔成幾允奎百工屢績成厥

義和四岳也其職在內其佐分治於外釐百工治

天地者也堯舜相傳以天之曆數堯之發政亦以

故天為首曆象日月星辰所以敬授人時奉若天

道也分命申命二仲二叔而不及伯者其伯蓋羲

和也囑夷青州東界暘谷封略所至之地名也南

交南方之交趾西即西方朔方即北方也昧谷幽

都皆地名囑夷不言東者互見之也寅敬也出日納

日之賓饒日朝暮之拜也柳宗元說春朝朝日秋

夕夕月皆拜而不祀蓋是禮之變耳東作西成南

訛朔易為四岳分職猶古四叔之任平秩平敘之也冬貴安靜平在固所以安之朔易歲事有常非靜無以蹈其常也南訛曰敬致者陽極陰生之序敬之所以做其至也鳥南方七宿火房心也虛北方宿昴西方宿分至皆正中天獨言星鳥於春例舉正於中也正中也殷盛也曰正曰殷以二氣言也曆家推堯典者以夏冬心昴皆非午正不能言唐之歷數唐僧一行以為冬至日在虛一度則春分昏張一度中秋分虛九度中冬至昴距星夏至心後星在午正東西皆十二度所謂中也不言胃

三才

書古本前卷一

年

通志堂

尾而言心昴羲和曆象其言可知也民之析因夷隩鳥獸孳尾毛革毛毳毼毛是皆因天之道順物之性變調正化欲以及時也帝堯以人時為首政幽詩以七月陳王業帝王之治天下必先奉若天道民事之大未有急於天時者也暮三百六十五日四分日之一六日舉成數也歲五日而一候三候一氣積二十四氣為日三百六十月有小大歲虛六日故一年之日三百五十有四積暮之盈因歲之虛三歲之日凡三十有六而縮五歲六十日而縮故三歲一閏五歲再閏積其餘分以起

三

書古本前卷一

中

通志堂

意所在猶以丹朱可敷而不以他求登用為可朱
而可敷堯寧舍子而予人乎惟堯知其不道忠信
之言而有罔水行舟之好所習每下其才不可廢
也故舍之云史錄此於堯政之初堯政無非允恭
此克讓之端也由放齊之言而遲登庸之事不以
一人之見而廢古今之通道既明而晦猶與丹朱
之遷善安安之大不其感乎

帝曰曷資爰子采鵬吸曰梏共形工速屏形帝曰号
彭公喜其為龔滔矣

采事官也共工方總事官之治而堯又求事官驩
兜之言美共工而非堯之求也禹言知人謂何憂
乎驩兜則驩兜之美共工為朋比之私矣共工誠
有可稱之功則堯不他求矣察其常言則然用之
則違其所以為恭象恭而已巧言足恭而以欺世
盜名不誠之無物也不誠未有能動者故堯深知
之也視所由觀所以察所安而人焉度哉此觀人
之道也

帝曰資三岳湯湯泮水工創蕩蕩襄山襄陵瀨瀨滔
天丁民元資大剛卑屐僉曰能能才帝曰吁啜才工
命圮矣岳曰异才試可博已帝曰建欽才九觀續用

亞威

治水之求咨乎四岳朝廷不足求之於天下也四
岳不名尊大臣之禮也其所以咨四岳者四岳輔
導之任而諸侯之長也僉言稱絲而帝已知其弗
知人之哲為高於天下矣方命不循天道也圮族
其強足以欺類也不能順水之性則水不可得而
治而僉言攸在方命圮族之至有以欺天下也以
一人之獨見不可奪天下之輿議況急水害無人
固絲之使矣堯惟知人而不以明高天下不去四
凶而治為世法廢朱舉舜此其所以為則天之太
欺堯以象共而識共工方命而識絲不誠無物人
果不可以不學哉

帝曰資三岳朕在位七十觀女耐暮命舉朕位岳曰
不惠忝帝位曰明明敷仄匪錫帝曰大異天下曰
攸釋帝曰俞子嗣如何岳曰瞽瞍父頑母墜為暴
瞽瞍孝烝烝又亞威是帝曰哉元試才女于昔觀年
劉于式女奎奎式女于嘉內娣于攸帝曰欽才
鴻水出解州解縣至河中河東縣入河汭小水入
大水也河中虞鄉為舜始封堯因其居而邑之也
庸命用命也夫堯固知朱之不肖必老而後求遜

位者老而子不克嗣政當有所傳矣故堯始但求所登用以水之患復求事官共工非才使鯀治水事則允恭心惟克讓也堯老而鯀輩勳庸不著所以直求可以遜位之人側陋且使明揚在朝之臣皆不足以忝其傳矣四岳舉舜不及他事第言父母兄弟之不肖舜能處之允若身修家齊而後天下可治也四岳自言否德而言舜之克諧以孝孔子所謂至德要道有若稱孝弟為仁之本者也堯聞舜而必待四岳之舉不用其明者歟釐降二女以觀厥刑夫舜之賢獨未見於妻子之間耳嬪虞

言五
通志堂

而舜之室家益諧堯以天下予人未嘗無所試矣近知子之不肖遠聞側陋之德文章炳煥能以天下與賢而天下賴以舉安孔子序書以聰明文思光宅讓位稱堯巍巍蕩蕩然矣

舜篋 效書

粵嶽古帝舜曰重華叶于帝濬嘉亥明温龔允
塞也惠升脊圖命曰位皆徽又篋又篋声厉内于
百揆百揆皆敘圓于三門三門參參内于大萊別風
霽雨亞悒
重華繼文也攷古繼文而合乎天德者舜之所以

承堯也立德幽微之德濬哲每能宣其智也由乎濬哲文明至於安恭誠實自明其德從微至著陞聞於上位雖堯命舜為有以受命也五典五教也百揆百官也四門出納王命者蓋四岳之任也作司徒而五品遜作司空而百官秩作納言而上下睦治天象而無風雨之失節序之所謂歷試諸難也慎徽欽美也賓主之也納專其任也舜自脩身齊家至於歷試以受天命所居者化無往不適者本於濬通明德無為而治者也

言三
通志堂

帝曰或女舜詢于岳底可績武觀女億帝位舜讓于惠亞享

堯之試舜既詢以事夷考其言其言皆至而可以趣事功有德之言言皆通於用矣四岳之任三年而後傳國豈苟然哉讓德弗嗣懼不足以承堯也
有重華之德而猶恐弗嗣不苟受人天下之重乾乾不息之為自強也其舜矣乎
正月上日受兵于亥祖聖璫瓊玉與日坐七政籙曾
于上帝禋于六宗望于山川徧于羣神楫又瑞死月
貞日覲三岳羣毋放瑞于羣后
正月上日月正元日也受終受禪也受禪于太廟

退而即位于明堂所謂璿璣玉衡以齊七政者七
政北斗星名璿衡魁杓也天子之居明堂法天之
道以齊七政之運隨所建而授人時也因即位而
見明堂之禮古史記事之法也璿衡舊說謂渾天
儀而後世復有周髀宣夜之論僧一行曰古人之
步圭影將以節宣和氣輔相物宜不在辰次之周
徑其重歷數將欲敬授人時欽若乾象不在渾蓋
之是非若乃述無稽之法於視聽之所不及則君
子當闕疑而不議或者各封所傳之器以述天體
謂渾元可任數而測大象可運算而窺終於六家

三言字上

九

通志堂

之說迭為矛盾誠以為蓋天邪則南方之度漸狹
以為渾天邪則北方之度寔高此又渾蓋之家盡
智畢議未有以通其說也王仲任葛稚川異同之
辨何益人倫之化哉一行善言天者蓋無取於渾
儀之說故詳錄之類天之祭禮六宗之祭望山川
之祭皆當時祭名羣神聖賢百物之祭徧祭之
不可悉書故云徧類于上天凡麗天者為可知矣
六宗古無定說孔氏傳曰四時也寒暑也日也
月也星也水旱也孔叢子以為孔子之言也蘇
氏案祭法星為幽宗水旱為雩宗秦世猶有所

謂天宗此六宗之名於記猶有存者類帝之後所
祭非一遂朝萬國有所不暇先輯五玉以待既月
之見而後班之也乃日踰月之他日也四岳羣牧
而不曰諸侯者諸侯各從方岳而見故因班瑞而
終言之耳五玉桓圭圭之方者以四植文為飾信
圭直之躬圭紉之穀辟粟文蒲辟微粗瑞器其
總名也

三言字上

書言文訓卷一

十

通志堂

歲式月東徇守室于岱宗崇墾辨于山川竊觀
東后叶昔月正日同律庀嶽與攸又祀又玉式帛
式生式夙摯如又器卒粵復又月華徇守室于
畢巫如岱祀八月鹵徇守室于鹵巫如初十又
月腓徇守室于北巫如鹵祀婦或于菽祖申特又
觀式徇守羣后三斡專教呂公明試呂珍車舩
呂春
巡狩之禮舜始行之一歲而徧四岳文中子以為
兵衛寡而徵求少是為得之盛暑南巡祁寒北狩
聖主勤民其謹於天道如此岱宗泰山也岳四叔
之治也不言岳而言岱見岳之因名山也柴焚柴
以祭天也望云秩者禮有隆殺也協時月同律度
脩五禮所以一制度齊民之視聽也觀東后而兼

脩三帛二生一死之贖因巡守而并其臣子附庸見之也三帛孔氏謂玄纁黃二生羔鴈一死雉也羔鴈以其信而有禮雉鷙而能死者也如若也若五器則復三帛死生則否者賓諸侯而體羣臣也士相見禮諸侯於他邦之人還贖己臣不還其贖藝祖王考也孔子論巡守禮告於祖廟考廟舜時替叟尚在故但告王考也歸格告至也用特以一牛薦也羣后四年一見五年而方岳徧故天子一巡其守也敷奏以言明試以功即詢事考言也車服所以寵諸侯者車服之用必其言之可績者行

音三

書大訓卷十一

十一

通志堂

於巡守朝覲之際其觀臣子之道與其所尊寵者豈苟然哉

犀十次山十次山濬川

舜受禪於洪水之後始建十有二州因其名山而封大之以施治水之政隨地之勢置州以便方國增高就下而水土平治其為此者非以為異凡以濬川而已十二州者謂九州外增置幽州二州未詳傳以為并營也

為以質剗不宥又剗矣徒官剗芥徒教剗金徒贖剗皆為竊赦怙弁賊剗欽才欽才惟剗止卹才不共工

于幽以放鵬受于雷山竅武雷于武召殛斃于羽山三辜而天下咸知

典刑法則也身不行道道不行於妻子脩道以教為民典法使民觀感而化明刑欽恤之本也五流之法以寬五刑流放之法與民遷善鞭箠以便官府榘楚以勵督教罪疑則贖災過則赦惟不率者同之殘賊之罪聖人不忍民之陷於刑至率之以德多方以開其自新之路此而不改終不改矣何惜一人以懲戒天下乎舜戒刑官欽恤用刑如此然共工驩兜比三苗威虐則竄鯀陞洪水則殛

音四

書大訓卷十一

十一

通志堂

四罪施而天下服賊刑之用民知向背所在又何在乎政令之滋章也流放竄皆流罪之輕重幽州三危崇山所謂三居也流居皆如其罪之輕重為之遠近非如後世之說必居四裔也鯀之殛于羽山也因其行水所至而誅之乎窮人力於四瀆之下流宜其無功而死也三苗威虐而竄鯀陞洪水而死罰之倫等異於後世之用刑矣傳稱堯不能去四凶至舜而去或者遂謂堯不如舜罪惡未著堯當弗眾而誅之乎待其罪而後誅堯舜之心一也堯以不得舜為己憂則舜亦堯而已也三苗舊

說為岳州地蓋以吳起所稱洞庭彭蠡與韓嬰衡山準之羽山三危皆見禹貢幽州今燕雲路舜十二州之一也密古嵩字漢世嵩高猶曰崇高今交趾驩州及澧州澧陽縣鄂州崇陽縣皆有崇山稱放驩兜之地皆傳會之說耳

式十八觀帝貞祖龍百姓如表于妣式觀三棄過密八音

祖落堯以前天子陞遐之名也過密絕無也堯之傳位已久大政皆舜行之異時之民老者日已死矣少者之長所見者舜堯之祖落而圻內哀之若

父母海內懷之若父母不忍八音之作至自絕而不聞在人之德非蕩蕩乎不可名者安有是乎

月正元日舜或于亥祖詢于三巫州三門明三日達三聰資十式姆曰倉才惟肯柔遠耐迹懍惠允元而難任人變巨術躬

月正元日舜之元年正月朔也格于文祖至太祖之廟詢四岳而命百官也堯祖卒歲舜即真矣上

日書元蓋舜之元年也四岳不言咨而言詢尊禮大臣有事謀焉者也四門之關所以明四目而達聰也此詢四岳所得而行之也明目達聰而上下

無堯堯舜之所以得天之聰明乎羣牧首吞見當時之重外官也外官之重以親民也人情詳近而略遠外官之重所以均內外也食為民天故舜以為政本然食非因天時則不得食戒以惟時明其食之所從來也治其近者而遠人服所謂柔遠而能通也惇德修己也允元善善也壬人之難遠其佞也修己善善而壬人之畏柔遠能通之道變夷所以率服也

舜曰資三岳耐奮奮戾帝出觀豐瓦百揆亮采憲冏冏曰柏命廷司空帝曰俞資命女琴水土惟昔林才命擗諧皆擗手視禹泉咎繇帝曰俞女選才奮庸見之日用也帝載上天之載也奮庸而明帝載中庸之德也有此居秩官之位則事治而惠廣矣司空周冢宰之任禹作司空而舜復求其人者欲人稱舉其賢不自用其明也咨禹之功懋於水土及時之治不稱其德不戒以事至德無可稱矣而又何戒焉稷契皋陶之讓皆有功於治水者禹之不矜不伐於此可見帝之俞往為無以加之也舜求居百揆者而及奮庸之事與堯之求登庸者不異矣舜事之首稱舜所以別帝於堯也

帝曰弃黎民俎饒女后親親首蒙

弃為后稷舜稱其播百穀而民無阻飢之患其功

已著但申之爾

帝曰萬百姓亞親又品亞孫女廷司廷敬專又教至

寬

百姓所以不親由五品之不遜敬施五教所以從

五典而親萬民也寬則得眾夫教不可急也而可

循也民可使由之不可使知之也五品父母兄弟

子也五典父義母慈兄友弟恭子孝也五典之教

五教之敷也脩道先民所謂敬敷也申禹之功亦

三書

書本訓卷一

十五

通志堂

所以勉之也

帝曰咎繇蠻居滑夏寇賊是女女廷士又劉十躬又

躬式就又汴才死又死式屈惟明亨允

禮大刑用甲兵則蠻夷盜賊之事亦領於士師也

三就即國語之三次原野市朝也五刑墨劓剕辟

官也五流放竄投北也三居遠近三等幽州崇山

三危之類也皋陶作士以三就用五刑而五刑之

人服其罪以三居差五流而五流之罪得其所蠻

夷寇賊遂無猾夏姦宄之亂自非明德慎罰安有

此乎稱禹皋陶而申訓之教刑非他官比也

帝曰冒濞子工僉曰坐才帝曰俞資坐女共工坐擗

諧皆擗于及析泉柏舟帝曰俞廷才女諧帝曰冒濞

子丁州木鳥罍僉曰莽才帝曰俞資莽女廷舛

莽擗諧皆擗于朱厲熊襲帝曰俞廷才女諧

垂作共工益作虞皆先疇而後用必待公論雖名

臣不輕進也命而不戒惟其才也俞美其讓嘉德

讓也舜前共工不名蓋世官也其先共工蓋能平

治水土共工放後工官始分而垂為之也

帝曰資三巫才耐策舛或汎僉曰柏尼帝曰俞資柏

女廷艷宗殂夷惟豐稟才惟清柏擗諧皆擗于夔

帝曰俞廷欽才

三書

書本訓卷一

十六

通志堂

伯夷之用咨求四岳與垂益事異者伯夷始由四

岳而進垂益前有位矣讀堯舜二典知鄉舉里選

之法行之尚矣未有知所自來者四岳所薦類稱

師錫僉曰者以公議告非四岳之私也取人不由鄉

里之選終苟道也三禮天地人之禮秩宗周宗伯

之任也夙夜惟寅恭敬不怠也直哉惟清清明則

遂也勅禮官而曰清明之遂不清不明不足通三

才之道人神不可得而治矣曰欽哉者申以敬戒

之也

之也

之也

帝曰夔命女篋樂教育學粟而溫寬而顯但而凶獻
東而凶暴詛凶忠哥凶律衣凶律咏聲八音
宮饋凶味慾倫神人呂咏夔曰邕子擊后故后百
衛琴

教育國子領於典樂者樂以和行者也舜之命夔
先教而後樂者教樂之本也夫道不可強有必自
得之樂以和行欲其自得之也直之蔽絞寬之蔽
弛剛之蔽虐簡之蔽傲溫栗而無虐傲斯有中和
之德矣然後可以制樂詩以導志歌以申之而五
聲依之以生律之和聲文以節奏而已以中和之

三百五

書文訓卷一

十七

通志堂
王深

詩制中和之樂自然八音諧合而無凌奪之慢用
之邦國豈不可以移風俗感鬼神哉故曰夫音之
生由人心起也於歎聲也終言夔之善治樂也擊
磬而百獸舞豈人為哉鳥獸猶能感動其心而於
神人何有舜之九官咸事於夔獨著成功之美者
音最難識見舜之樂足以鼓舞異類教育之子有
有不就成其德者乎以舜之德夔之樂樂之工三
者備而舞獸來皇無足怪者一物不備而樂不可
成矣夔龍不求而命由伯夷之讓見舜知人之大
過人也

帝曰龜朕聖讒說之行震驚朕帝命女徒內凶
夷出內朕命惟允

納言出納帝命咨以讒說殄行之聖者國命攸繫
不可不審察也誠以出納讒言怪行無自而進則
命無反汗之出而安有震動民人之事乎夙夜戒
以敬之敬之無不審者出納各得其當而有不允
者乎讒殄人皆有之非徒進取之士為然也人君
言行不出於中則足以震驚天下聖之於己而後
可以聖之於人出納而謂之納言察言聖邪之本
也納言至重而列九官之後蓋先後之職後世尚

三百五

書文訓卷一

十八

通志堂
王深

書之任也九官或讓或不讓者惟其才耳
帝曰資女式十式人欽才惟肯亮天式式觀式績
式式黜儻幽明歷績咸戾分北式苗驛生式十教暮
式十聖位式十觀儻式粵崩
二十二入四岳十二牧九官也四岳為一人者外雖
分治內實一官故通稱曰義和重黎堯命義和而
又分命申命仲叔不及於伯庸征義和亦止一人
其為一官甚明非若十二牧自為一州之主也惟
時之戒舜之所以治天下乎庶官之設天工而人
代之也天工人代不敬何以趨時也惟時及時之

謂也或先或後不直其時之會則何以代天也天
工明亮惟時行者能之考績明試以功也三年一
考三考殿最以程賞罰不以遠近異法所謂黜陟
幽明也任官責成進退惟允而庶事畢舉者雖堯
舜不能舍此而治後世末之難矣哉前黜陟而殛
鯀羽山後黜陟而三苗分窺九官之陞進與四
罪之流殛其政為可知矣北三苗之終舜典者卒
舜晚年之政必內脩而後人可治三苗止於分北
以自歸也有虞薄人之罪終不姦之患矣徵庸召
用也在位為帝也陟方陞退也乃死釋上文也陟

書古文訓卷十一

十九

通志

方之名虞世有之也韓退之說汲冢紀年天子崩
皆曰陟周書惟新陟王周景王之追命衛襄公曰
叔父陟恪在我先王之左右以佐事上帝即其義
也舜年三十召用後三年受禪後二十八年堯崩
踐天子位通徵庸之年凡三十歲後三十二歲禪
禹又十七歲而崩書傳多稱舜南巡守而崩于蒼
梧葬九疑惟孟子以為舜遷負夏卒於鳴條呂氏
春秋舜葬於紀韓氏以為舜老而禹攝矣尚何南
方之守且南方地下不可謂之陟方稽於孟呂之
書其說當矣蒼梧山在海州界近莒之紀城舜後

虞國在應天虞城鳴條亭在陳留之平丘負夏今
兗州之瑕丘則蒼梧不在南也記曰舜葬蒼梧之
野二妃未之從也今二妃墓在蒲坂自秦博士對
始皇帝已謂君山二妃所葬後世亦以九歌湘君
湘夫人附會山海經帝之二女居之之說郭璞注
山海經二女之神遊於九江瀟湘已知二妃為妾
按九歌有雲中君而雲中夫人湘夫人為之配皆
水神耳非二妃

書古文訓卷十一

二十

通志

典者不過允恭克讓敬天知人而已敬天而羣品
咸遂知人而不用其明堯之安安所以為聰明也
舜自濬明大智孝德升聞以有繼堯之文舜典所
書見於黜陟而已四凶放殛九官卒世恭己無為
而治舜之惟時所以為聰明也故孔子稱堯舜之
大序以聰明冠於二典

書古文訓卷第一

後學 成德 校訂